



THE DAYBREAK

"Wankantanhan Anpao kin hiyoumhipi"—Luke 1: 78

WOKAJUJU 50 CENTS

SANTEE, NEBR., APRIL-MAY, 1932

VOLUME XLIII, NUMBER 3

Niobrara Deanery De Tanyan Amdeza Po

Anpetu Wakan Ska (Whitsunday) May 15, 1932 ikiyena u. Okodakiciye Wakan Yewicašipi Wooyake tawa kin ed anpetu wan tanka yawapi kin de heca. Hekta omaka qonhan Okodakiciye Wakan wowaši tawa kin he katinyan iyopite kta on womnaye econpi kin mazaska kektopawinge opawinge opawinge tob iyohi yapi šni. Qa de yuecetupi kta on anpetu wan Okodakiciye Wakan kin wasabglepi kin he May 15, 1932 hee.

Heon mazaska kektopawinge opawinge topa (\$400,000) iyohi yapi šni qon he etanhan South Dakota ed unqonpi unkiš mazaska kektopawinge nonpa sanpa opawinge šakowin sanpa wikcemna-zaptan iyohi unkiyapi šni. Heon Oyanke tanka qa cistinna otioyohi qa nakun tuwe okihipi kinhan ocon wanji ihdahniyapi eciyatanhan mazaska kektopawinge nonpa sanpa opawinge šakowin sanpa wikcemna-zaptan (\$2,750.) oicazo kin yuecetupi kta on womnaye qaiš waunyan kiconpi kta Bishop Roberts iwaicinwicaye. Bishop oie kin anaungoptanpi qa Okodakiciye Wakan kin ounpapi kin womnaye qa waunyanpi on unhdwicakapi kta iyececa. Iyotan Okodakiciye Wakan Tonpi Anpetu, Anpetu Wakan Ska eciyapi kin ohnayan ehanna wicacaje 120 witaya tawacinpi qa wocekiye eyapi kin on dehan Okodakiciye Wakan kin unkiyepi ekta hiyohi kin he unkišuyapi kin on itkom wopida wošnapie econqonpi kta cin he wowaši unkitawapi kin hee. Ho po mitakuyepi, Hebrew wicowoyake 6:16, he kiksuya waecon po. Nakun woeye wanji decen eyapi oblake wacin. "Lewi Tooopie" 27:32, "Taku iwikcemna kin owasin Wakantanka on wakan kta" ce eyapi. Hecetu kin heon woeye wan epe cin he Wašicun iapi ohnayan decen eyapi ecee: "If you can't be a good Christian, be a decent Jew."

Taku cafebdate kin tanyan omayakalni-gapi šni kinhan Wicaša Wakan wicaduhapi kin ekta wicayapi qa iwicawanga po. Taku cafebdate hce cin he Wiyohinyanpatanhan Okodakiciye Wakan Oitancan yankapi kin South Dakota imahed Okodakiciye Wakan kin iyopite kta on mazaska tona uyapi woiwahoye kağapi kin eced econpi qa hduštanpi, tuka icunhan unkiyepi kin Nation Wide Campaign Womnaye eciyatanhan tona mnaunyanpi kta on iwacinunyanpi qa econqonpi kta tka qon unhduecetupi šni kin heon dehan hektakiya ho uyapi qa unhduecetupi kta okan unkiyagapi kin hee. Oicazo kin he unkitawapi qa katinyan woba cona unyuecetupi kta iyececa. Hecen ecanonpi kinhan Okodakiciye Wakan taku cinniciyapi kin he yahduecetupi kta. Dena iyecinka econpi okihipica šni, heon nakun wocekiye ehapi kinhan sanpa kohanna dena ecetu kta kiksuya po.

My dear friends of the Niobrara Deanery;

As you may know, the church failed to give all it should have given for missions last year. We in South Dakota fell short of what we promised to pay by about \$2600.

The work of the Church must not stop. It must go forward. Will you not make a special offering on Whitsunday, May 15, the birthday of the church, to help make up this

loss. I hope you will, and I am depending on you to do all you can now, as you have in the past.

With warm personal regards to each of you I am, faithfully your Bishop,
W. Blair Roberts.

Mrs. Helen H. Elliot, Springfield, S. D., en St. Mary's Woonspe tipi kin ed Waonspekiya Tokapa (Principal) wowaši econ kin he enakiye kta. Hekta omaka šakowin qon heehan Miss Priscilla Bridge, tohe kin de icu qa hetanhan token okihi taku tona woonspe tipi kin de iwašte kte cin hena on nina iyotaniyekiya qa ičičuya wowaši econ. Omaka tona unkiyopiyapi nina wacintanka waecon kin dena on wopida unyuhapi kin hee. Qa tokiya ake token wowaši econ kte cin ekta wowaši tawa kin iwaštepi kta wan sdonunyanpi.

I

Wašte Qa Sica

1. Waštepi kte cin he taku he? Wakantanka iyececapi kin he waštepi kin hee.
2. Wakantanka tokeca kin Tuwe unkipazopi he? Wakantanka tokeca kin Tuwe unkipazopi kin he Jesus Christ hee.
3. Tokenken Jesus Christ iyeuncecapi kta he? Iye Toni kin idagunyanpi kin eciyatanhan Jesus Christ iyeuncecapi kte cin hee.
4. Itancan unkitawapi Toni kin tokenken wowidag unyanpi kta he? Unkitawacinpi kin hena Iye unqonpi kin he eciyatanhan Itancan unkitawapi kin Toni kin wowidag unyanpi kin hee kta.
5. Sice cin he taku he? Wakantanka ekta-kiya "Hiya" eyapi kin he šica eyapi kin hee.

II

Wiconi Qa Wiconŋe

1. Taku tokaheya econqonpi kte cin he taku he? Unnipi kte cin he taku tokaheya econqonpi kte cin hee.
2. Wicatancan on niun kin he taku he? Wicatancan taku on niun kin he wicanagi kin hee.
3. Wicanagi niun kta Tuwe wiconi qu he? Wakantanka he wiconi wan on wicanagi niun kte cin he qu.
4. Wicanagi kin tokenken icage he? Wakantanka qa wicaša wašewicadake kin he eciyatanhan wicanagi kin icage kin hee.
5. Wicanagi kin ekta taku e woahitani kin ahi he? Woahitani kin wicanagi kin ekta taku ahi kin he wiconŋe kin hee.

III

Onšičiyapi Qa Witantanpi

1. Woahitani tokaheya kin he taku he? Woahitani tokaheya kin he witantanwoahitani kin hee.
2. Witantanpi kin he taku he? Wakantanka codan niunpi kta iyutapi kin he witantanpi eciyapi kin hee.
3. Wowašte tukte wanji witantanpi woahitani kin kte okihi he? Wowašte wanji witantanpi kin kte okihi kin he onšičiyapi eciyapi kin hee.

IV

Waktapi Qa Wawiyutanye

1. Tokenken unnağipi kin wiconŋe etanhan token unhduhapi kta he? Unkiyepi ed woahitani u kte cin on waktaya unqonpi he eciyatanhan unnağipi kin hena wiconŋe etanhan token wicunhduhapi kte cin hee.
2. Waktani unyanpi kin hena tuwepi he? Toka unkitawapi kin hena woahitani ed unkiyayapi kta iyutan unyanpi ece.

3. Toka unkitawapi yamnipi kin hena tuwepi he? Wakanšica, maka kin de, qa wica-čēpi hena eepi.

4. Wawiyutanye ed unkiyayapi kin etanhan unhdinanpapi kta ounkiyapi kin hena tuwepi he? Wowawiyutanye ed unqonpi eša ohunyanpi kta ounkiyapi kin hena kodawicunyanpi kin he eepi.

5. Kodawicunyanpi kin hena tuwepi he? Wakantanka, Iye Ohuilde tawa, qa Iye šiceca tawa unmapi kin hena kodawicunyanpi kin hena eepi.

V

Woohoda Qa Skanškan Kapinpi

1. Tuwe kaša taku wašte econpi okihipi kin he taku he? Tuwe kaša taku wašte econpi okihipi kin he Wakantanka woohoda ecakiconpi kte cin hee.

2. Tuwe eciyatanhan Wakantanka woohoda ecaunkiconpi he? Itancan unkitawapi Jesus Christ eciyatanhan Wakantanka ohoundapi kta.

3. Taku tuktena ed Wakantanka ohoundapi kta he? Taku tona econqonpi kin owasin en Wakantanka ohoundapi kta iyececa.

4. Waecon kapinpi taku on owotanga šni he? Waecon kapinpi taku on wašte šni kin he tuwe hececa kinhan he Wakantanka akiktonjapi ece.

WICAŦA OYAKAPI KIN. Necrology.

"Tokin wookiye en okihpapi qa iyoyanpa ohinnian kin on iyoyamwicayapi nunwe."

Millboro, S. D., Feb. 23, 1932.—Mr. Enoch Wheeler, iye tipi kin ed February 21 anpetu kin he ohna maka wiconi kin ayu štan. Cinca nacinwanka, tawicu, sunkaku nonpa qa tankšitku wanji henakeca ehpya iwicayaye. Christian wicake kin heca qa Okodakiciye Wakan tawowaši kin he Ascension Tipi Wakan kin hed tanyan iyopite kta on tohanyan okihi wocon kin hena en waecon.

Sicangu Owakpamni en omaka 1890, January wi heehan tonpi, qa Church of Jesus hen April 13, 1890, en Baptisma qupi. Atkuku kin William, eciyapi qa hunku kin he Julia (Bernard) Raymond hee.

Winner otowwe etanhan wošna-Kağ Rev. A. C. Bussingham, qa Rev. John De Cory, Okreek, ed yanke cin henaos Wica-ğapi Woecon kin econpi

Anpetu Wakan Ska—Whitsunday On Wocekiye Wan

O Itancan Wakantanka unkitawapi kin, Okodakiciye Wakan Owancaya nitawa tona en opapi kin owasin, Nitaniya Wakan kin awicakaštan ye; hecen wowaditake wašte qa wowacinye suta kin on Nitokiconize ayutankapi kta on woiyopite kin he tokatikiya ayapi kta, qa wookiye wowicake qa qa wowašake tanka kin ekta yusawicayapi kta. Hecen Nicağe kin en woyuonihan ohna waecaunniconpi kte; Niye, Nicinški wašte qa Woniya Wakan kin yuwitaya, Wakantanka wanjina, iyotan wašaka qa owihanke wanica, maka owihanke wanin.—Amen.

The first payment of about \$5,000 has been received, toward the sum of 250,000 yen to be given to the endowment of St. Paul's University, Tokyo, by the Japanese Imperial Government.

ANPAO KIN

Santee, - - - Nebraska

Millard M. Fowler - - - Publisher

Anpao—The Daybreak, is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Executive and Editorial Office, Mission, S. D.
Rev. Paul H. Barbour, Mission, S. D. } Editors
Rev. C. C. Rouillard, Pierre, S. D. }

Entered at the Post office at Santee, Nebr., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.

The months in which the Anpao is issued are: Jan.-Feb., Mar., Apr.-May, June, July-Aug., Sept.; Oct.-Nov., Dec.

(THE DAYBREAK)

Wi akenonpa (one year eca) kašpapi zap-tan kajujupi kta.

Wi wikcemna nonpa sanpa topa (two years) eca mazaska wanji kajujupi kta.

Money Order, Mission, S.D., on opeton-pi qaiš wowapi askape Rev. Paul H. Barbour yekiyapi kta.

NIORARA DEANERY CONVOCATION

August 19, 20, qa 21 kinhan Cheynne makaohdaptapi kin heciya Ascension Tipi Wakan Oyanki kin hen Niobrara Deanery Convocation kin mniciye kte.

Corn Creek Mission Wotanin Mediator Church

Anpao Kin:—Kola ake iyuškinyan waya-otanin ciši kte lo. Hekta October wi kin el 1931-1932 kin on Winyan Omniciye oitan-can wicakluštanpi na lena eepi: 1. Miss Ellen Red Eyes; 2. Mrs. Julia Brown Thunder; 3. Mrs. Julia Strikes Plenty; 4. Mrs. Irene Red Eagle; 5. Mrs. Nancy Gay; 6. Mrs. Edith Mountain na Mrs. Jessie American Horse; Na le el Winyan Omniciye Ataya Itancan kin he Mrs. Sarah Red Owl, hee.

Nakun Tecapi Omniciye wan lel unpi, na oitan-canpi kin lena eepi: 1. Christine White Eyes; 2. Clara Yellow Thunder; 3. Jeanette Mountain; 4. Agnes Gay; 5. Florence Eagle Bull, Mary Strikes Plenty.

Wica Omniciye etanhan lena eepi: 1. Thomas American Horse; 2. Wallace Henry; 3. Thomas Blue Bird; 4. Jefferson Strikes Plent.; 5. Willie Yellow Thunder; Lena omaka opta wowaši econpi kte cin eepi, canke wanna tanyan wowaši econ au-pi, tka iyotan winyan omniciye kin he wali-takapi, le waniyetu kin lila osni eša blihela katinyan škanpi.

Tiwahe mitawa kin el wokakije tanka wanji awakipa, micunkši onknahanla kuje, hanhepi wanji el ojula wiyuškinyan un qon he Dec. 25 hee, na lila otakiya wawicaqu. Dec. 26 el makuyazanpi ececa, na owayazan tipi el kiksuye šni lipaya. Tka Jan. 25, 1932 anpetu kin he el kikanla tanyan kiksuye hecel tiyata waklokli. Woyute eciyatanhan na iyotan wocekiye kin he ecela on akisni. Takuna pejuta unqonpi šni, tka wocekiye ecela on akisni. Taku Wakan etanhan woa-sniye qu hecel wicawala na piwala, na he-on Easter iyohakam wopila unkeyapi kta wan yanka. Na Winyan Omniciye el pta-ya yahipi kin nakun niye wopila eciciyapi, na micunkši wocekiye ekiciyapi canke lila icantemawašte na le waklaotanin ye lo.

Wacekiye-wicaša, Koskaitancan na Wawokiya wicaluhapi kin onšiwicakila po, na wicakici un po. Olowan na Wocekiye Wopapi kluhapi na woayupte na olowan hena wašakya owicakiya po. He iyotan kin he ye lo.—Nitakuyepi wanji miye, Daniel Red Eyes.

TIPI WAKAN TECA

WAN YUWAKANPI

Pierre, S. D., Apr. 20, 1932.—April 10, heehan Pierre otonwe kin en Pierre Indian School icahda Episcopal Tipi Wakan wan hekta omaka qonhan kašapi kin he Bishop Roberts, yuwakan. Bishop Roberts, Tipi Wakan tiyopa kin he katoto, qa Supt. Calhoun kiyugan qa tiyopa iyuhdoke kin qu. Hehan Bishop cokatakiya Psalm 24: oehde kapeya yawa ye qa Dean yamnipi Dean Clark, Dean Barbour, qa Dean Gesner, qa Tipi Wakan Teca kin de awanyake Rev. C. C. Rouillard, hena tom ihakam upi.

Tipi Wakan Yuwakanpi Wicoie kin Dean Clark, he yawa, qa de iyohakam Wotapi Wakan Woecon kin he econpi Bishop yuwakan qa Wošna Kaša ed unpi kin okiyapi.

Dean P. H. Barbour, Mission etanhan hi qa wowahokonkiye wan nina wašte qa wicimdeza on wahokonwicakiye. Wowapi Wakan Oehde on wounkiyapi kin he Psalm 127:1 a, kin hee. "Tipi kin Wakantanka kaše šni kinhan, He en tona kašapi kin ituya škanpi." Wakanheja wan tohan Baptisma qupi eca tuwepi qeya Waekiciyapi kin he iyecen St. Michael's Church yuwakanpi kin de ed tona unhipi kin hena Tipi Wakan Teca kin wakanheja wan Baptisma qupi iyecen yuwakanpi kin en waekiciya heuncapi e unkokiciyapi.

Wakanheja kinhan Wakantanka Towašte Eceedan ed elpeyapi kte šni, tuka hunkake waonspekiya, kodakicaye qa tuwopi kaša okiyapi kin koya eciyatanhan tanyan ical aye cin he iyecen St. Michael's Tipi Wakan kin de Wakantanka kaša, qa Bishop wicun-yuhapi, tona wakiconpi, womnaye wocekiye eyapi qa wošnapu kiconpi kin tanyan ye kta cin oyake.

Wicangi kin tohan wicatan-can kin etanhan token iyaya eca takuyepicašni; unkan dehan wicatan-can wan wicanagi akipe un unyuhapi. He wicangi kin token icage kta hecinhan ed etonwanpi kte cin hee. He tokiyatanhan okihipte kte cin Wakantanka kici akipitan okiciyapi kin eceedan eciyatanhan kihdegepica kta.

Tipi Wakan tankinkinyan qa cikcistinna, owanyagwaštešte qa owanyagwašte šni ota wanyake. Tinskoceca kin oiyacinyan tima-hen toketu kin he wanka hee šni. Wanjikji timahe iyayapi kin hecinhan hed oyate cekiyapi ecece kin atatin. Qa Wakantanka ekta wicahi kin nakun atatin. Timahetu kin ataya oyate wocekiye eyapi kin on kah-tan sececa. Tipi Wakan wanji heca eca tona sdonyapi kin hena hen wookiye iyeyapi qa iwašakapi ecee.

Token oyanke hececa icage okihi he? Bishop cekiya qa onšiwicadaya awanwicaya-ke, Wošna-Kaša kin toni kin, woohoda wocon kin yuonihanyan onspewicakiya itonpeya qa takudan okapte šni waonspekiye.

Tuka iyotan oyate kin owotanna qa yuonihanyan idagyapi, akapatanhan woyuonihan, ho, tuka iyotan cantepi eciyatanhan, waonspeiciyapi en qa woohoda econpi kinhan hecen Itancan kin tipi kin de kage kta.

De iyecen unkitonipi kin he yanka. Wanjikji tipi takudan ohnaka šni kin iyeuncceca-pi; wanjikji Tipi Wakan owanyag wašte qa idagyepica kin iyeuncceca-pi; deon nitonipi kin apiyakiyapi kta iyecceca; Bishop, Wošna-Kaša qa waonspekiya unpi kin ataya oniciyapi okihipte. Nakun Wakantanka oniciyapi kta cantokpani. Tuka Wakantanka iyowinyakiyapi šni kinhan tipi wan takudan oknaka šni qa wowacinye šni kin he iye-cen nihindhapi kta.

Wakantanka qa wicaša waštewicadakapi qa cekiya unpi, wakiconzapi idagyapi cantewašteya unpi, dena tuwe ohna un kinhan (Ohanyanpi 4:13) "Jesús kici unpi iwica-yukcanpi ece." Qa kici unpi kin on wiconi kin he yuhapi. Niobrara Wicayusutapi Canicipawega akan wicoie kin hena wanyakapi kta. St. John 10:10, "Wiconi yuhapi kta heon miye wahi."

Tipi Wakan kin de qa niyepi kin denaos

okiwanjina, icikoyaka. Ecin nitonipi kin he yecagapi kta on Tipi Wakan kin de kašapi. Tuwe henaos kage cin he Itancan kin hee. Hecen Wakantanka he en onica-gapi kta on yaupi kin he icunhan Tipi Wakan kin de eciyatanhan Wakantank Wica-yusaka qa Towašake kin nicantepi kin ekta hiyohi kta. Nicantepi kin hee woohoda en niyepi Wakantanka ekta aniipi kin he iya-hna Tipi Wakan kin de token onajin yuhe kte cin he oyakiyapi kin hee, qa Tuwe denaos ed etonwe kin he Itancan kin hee.

"Detuca O Itancan mitawa, ite wankiciyag wanciyake

Den taku wanyakepicašni kin hena waki-canye qa omdutan

Den wowašte owihanke wanice cin he nape on sutaya mduze

Qa wamatuka kin ataya anihinhapaya."

Nakun Dakota hokšidan qa wicinyanna kin 27 Wicayusutapi ecawicakiconpi. Anpetu kin de on Wowašte ota unkahinhanpi qa hena tehan tanyan unkiksuyapi kta wan heca.

Okreek, S. D., April 4, 1932.—Anpetu kin lehanl wayaotanin ciši kta. Unkan he etanhan taku wicawala na awacanmi kin he ob-lake kta. Wicacelipi oun el taku iyotan awacinpi kta iyecceca kin he Wakantanka oholapi wowacinye kin he ee, ecin wicacelipi oun kin le el unqonpi kin he el taku toketu kte kin he slolunyanpi šni; tka Wakantanka Iye isnala hena slolya, heon etan-hon waktayahan cekiya unqonpi kta iyecceca. Winyan mitawa kin Mrs. Elizabeth Red Buffalo, hekta March wi kin he el wopate (Operation) heca el yin kta heon St. Mary's Hospital, Pierre, S. D., he el. Hecel March 15 anpetu kin he el Rev. C. C. Rouillard, ti kin el unhipi. Ho na anpetu iyamni litayetu kin el wayazan tipi kin ekta unkaipi na ihinhanna anpetu itopa March 17 hinhanna mazaškanškan 10:00 a. m. ehan wopate kin el conpapi, na oape wanji sanpa oape ciscila zaptan hehan yuštampi. Na he šupe kin el aicaga eyapi (appendix) he icu-pi, nakun tapizi kin he icupi. Na he el inyan lila ota okna on na onge lila tankinkinyan. Ho hecel oape kin ihunniyan Mrs. Mathilda Rouillard hee, na miye kici winyan mitawa kin isakib naunjinpi ecel pata-pi kin yuštampi. Na ihunniyan iye Mrs. Red Buffalo, pejuhuta-wicaša kin hena eepi na unkiyepi kin ob woklag wanka ecel yuštampi. Ho hecel Wakantanka oholapi wowacinye kin he ahopeyahan wicala kin he atatin, na heon Wakantanka iyotan wašaka towaonsila wokikcanpte kin kin ahopeya-fan wicalapi kin he tukte el unpi kin miš eya he el waun ee eye qon hee. Na oape kin he el taku toketu kte kin he slolwaye šni kin on micante na mitawacin ataya on Wakantanka Cinhintku Christ taku eye kin he awacin nawajin. "Ate, ninape kin en minagi kin weknaka ce." Eye qon hee. Na unkiyepi šni tka wakantanka tokel tawačin kin he ecetu kta. Ho heon Iye towaonsila wokikcanpte kin on iyoopta wicozani ekta ahi na heon wopila tanka bluha. Wakan-tanka yatanpi nunwe.

Rev. C. C. Rouillard, anpetu otoiyohe wayazan tipi kin el hi na tona Okolakiciye Wakan unkitawapi opapi kin hena omi wocekiye econ ecee. Nakun Rev. C. H. Gesner, Wašicun Wošna-Kaša Pierre en un kin he el wanyagwicahi ecee. March 19 litayetu kin heehan Wošna-kaša kin denaos Bishop Roberts kici Mrs. Red Buffalo wanyag hi-pi, na ake Palm Sunday wicokaya sanpa ehanl wanyag hi-pi, na Wakna-wošnapu wakan kin etanhan mualicala (lilies) waštešte kahipi na hena owasin on lila ibluškin. Hehanl winyan mitawa kin tohanyan wayazan tipi el lipaye kin ihunniyan Rev. na Mrs. C. C. Rouillard, tipi kin he el owaun-ye na lila tanyan makuwapi na he lila pi-wakila.

Ho tona Anpao wahlakapi owasin Wakantanka oholapi wowacinye kin sanpa sutaya el yaunpi kta ca, ayaštan šni, waktayahan cekiya un po. Mitakuyepi hehanyan epin kta ca, owasin cante wašteya nape ci-yužape lo. Wocekiye el unkiksuya po.—Daniel Red Buffalo.

Cheyenne Agency Oyanke kin en June wi kin imahed St. Andrew Wetu Omniciye kin he econpi kte. Wanna Program kin he kagapi qa ecaden he enanakiya uniciyapi kte. Nakun wanna delegates hena nihduwiyeyapi kta. Omniciye unkiditakapi kinhan Omniciye nina waste wanji unyulapi kte.

Itancan unyanpi Jesus Christ, wowitan yuha wankan kinbde cin iyohakam anpetu iwicemna Pentecost Anpetu kin heehan taku toketu hinhda he?

Itancan unyanpi, wankan kinbde cin iyohakam iwicemna can qonhan, Pentecost Anpetu ohna Iye Okodakiciye Wakan tawa kin en Woniya Wakan kin he oonyekiya kta on uši

Tukte Okodakiciye Wakau ca imahed Woniya Wakan kin oonyan he? Okodakiciye Wakan Owancaya kin en Wakantanka Woniya Wakan kin he oonyan.

Tuwepe e Okodakiciye Wakan Owancaya kin en opeya hiyuwicayapi he?

Tona Baptisma wicakupi kin hena Okodakiciye Wakan Owancaya kin en opapi kin he na eepi.

Okodakiciye Wakan Owancaya Pa kin he Tuwe he?

Okodakiciye Wakan kin Pa kin he Jesus Christ Itancan unkitawapi kin hee.

Okodakiciye Wakan kin he Jerusalem otonwe kin en wankan tipi ohna Pentecost Anpetu ostan wowakan ohnayan icağa. Heehan en opapi kin opawinge sanpa wicemna nonpapi (Wicacaje owasin wicayawapi qonhan) dena witaya Wicakikcanpte wan Christ iwahowicaye cin he akipe yankapi. Wakantanka maka mdu kin etanhan wicašta wan kage, ca poğa obdoka ohna Iye Taniya Wakan kin ipohi iyea unkan wicašta kin wicanagi niun kin heca icağa cin he iyecen Woniya Wakan kin tate wan ogo kin he iyecen tipi wan ohna yankapi kin ataya ojudan. Unkan ataya Woniya Wakan kin on ojupidan. Qa Okodakiciye Wakan Owancaya kin wicašta tona wowacinye yuhapi owasin witayapi qa Woniyan Wakan owicati, "Wicatancan wanjina qa Woniya wanjina eya Christ cajehdawe kin toni kin icağa, qa wakanšica tatiyo-pa kin he yujuju kte šni."

Juda na Samaria oyate kin wawiknupi wicotawacin akiciyuhapi kin hena Philip Deacon kin Christ on oyate kin wowicakiyake qonhan atakunišni.

Ikcewicaca wicayuhomnupi on ake Philip eciyapi kin de, Ethiopa wicaštayatapi winohinca Candace eciyapi, he ihukuya wicašta tanka wan nagi kin yuhomni.

Ocim ayutanka ayapi ecen St. Paul, wotani Wicote yuha Europe makoce kin ehna iyaye.

Woniya Wakan kin Okodakiciye Wakan Owancaya kin imahen oonye kin heon dena decen sanpa icağa kin hee

Tuwe Okodakiciye wakan kin ina ye šni kinhan Wakantanka Ate ye kta okihi kte šni.

Heen Christian šicaya wicakuwapi on Okodakiciye Wakan kin kasnupi kta kecinpi tka iqihuyanpi, wowicake kin hee tanyan sanpa icağa. Deon dehan unkiyepi kin Okodakiciye Wakan wanjina Owancaya qa Wahišiyepi eciyatanhan kin he wicawada unkiyepi ece kin hee. Unkan Okodakiciye Wakan kin de woowotanna on wotektelha qa ipuza un, e cin Wakantanka en wowacinye yuhapi e ca hececapi ece. Maka akan Wakantanka codan unpi kin he woape nicapi kin hee. Wicašta owasin nipi kta, Wakantanka cin qa he oiyacinyan Okodakiciye Wakan kin kicağa.

An encouraging step forward in social service is the appointment of a full-time chaplain for the Mayo Hospitals in Rochester, Minnesota. He is one of our clergy, the Rev. George L. Brown. This has been a long-standing need, carried at first by the rector of Calvary Church, Rochester, the Rev. Guy Menefee, who is also social service chairman for the diocese. Then Mr. Brown did what he could from Chatfield, where he was rector, but this meant much loss of time in travel and less time for the hospital work than it required.

As chaplain he has been caring not only for Episcopal Church patients but for over 1,600 people, last year, who registered no church affiliation whatever. One man who was visited for six weeks asked to be referred to our rector in his home town when he left, and he and his wife have since been confirmed. Correspondence with clergy, to follow up contacts made at the hospital takes much of the chaplain's time. Sundays he looks after three near-by diocesan missions.

People come to the hospital from all over the world. New Zealand, South Africa, Calcutta, Manchuria have been represented.

WOONSPE NO. 33

Ashley House Church History Course

Okodakiciye Wakan Yuowotan Kağapi qon Yuštampi kin. Edward VI, 1547-1553; Mary, 1553-1558; Elizabeth, 1558-1603; James I, 1603-1625.

Edward waniyetu 9 henakeca hehan wicaštayatapi un, hecen wicašta toktokeca ataya kinin šicapi ece wokakije etanhan waawanyaka (Protector) wicayuha. Edward wicaštayatapi un qon icunhan taku wanji nina wašte kihdegapi. (PBD2) Oyate kin okahniğapi kta on Okodakiciye Wakan owacekiye wocon kin hena Latin iapi etanhan English iapi ohna yuieskapi. Hecen owasin taku eyapi kin sdonyapi qa taku eyapi kin opapi kta heon wocon kin hena Wocekiye Wowapi wanjidan en kağapi.

Decetušni unkanš Edward wicaštayatapi un qon he wašte šni. Hoksidan wicaštayatapi kin wicašta tona waawanyaka wicayuhe cin Okodakiciye Wakan taku cinpica yuhe cin ataya manonpi. Sunkakiciyapi qa litani-okodakiciye ihduckonwanjipidan kin hena taku tawapi kin manonpi. Kanpi omnawicayapi tipi, qa wayazanka tpi ko wamawicakinonpi. Woonspe wankantu (Colleges) hdepi kin hena eceedan womanon on nagiyeuicayapi šni, tka Edward piyaehannase ni kinhan is eya womanon akipapi kta tka. Hehantanhan qa anpetu kin dehanyan omaka 400 ikiyedat ešta, 1547 itokam England en ehanna token Tipi Wakan owanyake waštešte yuhapi qa ayucoya apikiyapi ece qon dehan hececa šni.

Oyate kin ataya Edward wocon tawa kin iwayazankapi qa te qonhan wiyuškini, qa tankeku Mary toyanke kin icu. (1553) Tuka Mary nina cantešica. Hihnaku Philip Spain etanhan qon he kici ehpekiciyapi. Mary iye tohe kin ohna un kta cinca wanica. Pope kin ektakiya wicakeya un, Pope tokawicaye kin wicakize šni kin heon okinni Wakantanka wokakije kin de hiyahdeya hecen awakicin. Hecen Reformation (Okodakiciye Yuowotan Kağapi) kin itokam token taku owasin wanke qon he ake ecen kage wacin, qa Heresy onakan kta iyuta. Hecen tona Rome ihukudiyeiciyapi šni qon hena wicakte kta kuwa. Grammer, qa Bishop toktokeca tom, qa Wošnakağa wo-wašte on okitanin unpi kin onge, qa wicašta 286 henakeca wicakte.

Mary Rome ohutkan kin eceedan on nina wowaši econ kin heon England oyate kin ataya Pope kin šicedakapi, qa decetu kin eciyatanhan on England en Pope kin wowašake yuhe qon ataya tokakicihon.

ELIZABETH, 1558-1603. Elizabeth ihukuya Church of England woyuštan tawa ehake kin yuacetupi. Roman Church kin he qa Luther qa Calvin tawoonspepi eciyatanhan tona Pope wicadapi šni kin denaos okitehedan Elizabeth woiyopte wan awanyaka. (He iyecen wanna Skaun Okodakiciye Wakan kin dehan Šinasapa qa unma Okodakiciye tonakecapi kin hena wicicokaya najin.) Matthew Parker, wicaša wan ksapa qa iyatahdeiciye šni heca kin he Archbishop of Canterbury un kta kağapi. Omaka 314 en Okodakiciye Wakan omniciye en woope wan kağapi decen eyapi: "Bishop wicakağapi eca ohinni Bishop yamni aokpani šni en unpi kta, qa okihihi ca šakowinpi kta," eyapi kin ohnayan Matthew Parker yuwakanpi qa hekta Apostles tanpetupi kin heciyatanhan owecinhan upi kin, wicayawapica kin he pataka šni u kin de eciyatanhan Church of England token u kin he hecetuwanjica u e atani. Papacy towašake etanhan ihdušpe kin heon Okodakiciye teca kağapi heca šni, tka token u kin hecetuwanjica u kin heceedan.

Omaka 1570 en taku tona on Pope "Pius V" Okodakiciye Wakan wanjipidan kin kicaksa hee cin hena dee: Queen Elizabeth Wotapi Wakan ikikcu kte cin anapta, qa England oyate kin ataya wokonze Elizabeth tawa kin kipajinpi kta wicakico, nakun Church of England kin etanhan token unpi kta econwicaši, qa Philip, Spain makoce etanhan kin he okicize witawata optaye tanka Armada eciyapi hduha England takpe-wicaye kta iyopaštaka cin dena on Pope kin woowanjidan kicaksa kin hee. Tke England oyate kin ohiwicaye šni. Philip wata optaye tanka tawa kin icamna on ataya awihunupi, qa wicota he Wakantanka eciyatanhan Pope kin woiyopeye qupi hecen kecinpi.

Elizabeth awanwicayake qon icunhan tona Roman Church opapi kin hena Pope kin wawidake kta cinpi kin on woškiške kin heceedan ee šni, tuka "Ihducetupi Kecinpi" (Puritans) kin nakun woškiške kağapi. Heehan Okodakiciye Wakan kin imahen Wicašta Wakan heyake, token wocon kin he qa Wakiconzapi on woonspe kin hena elipeyapi cinpi ošpaye wan unpi kin he "Ihducetupi Kecinpi" kin heepi. Baptisma Wakan wocon kin en Canicipowega Wapetokeca kin on wapetogwicatunpi kin he, qaiš Okiciyuze Yuwakanpi wocon kin en Mazanapcupe wan yuha škanpi kin dena en ienhiyeyapi ece. Tipi Wakan kin mahen taku waštešte yanke cin hena ihangyapi, qa Wahna-wošnapi kin hena yuhpapi qa wahnawotapi ikceka ece ehdepi. Tuka Queen Elizabeth hee qa tona om wowaši econ qon hena Okodakiciye Wakan ehanna ohutkan qa Wakiconzapi Oni qa Wocekiye Wowapi kin hena hduš unpi. Heon Wopida un-yuhapi.

JAMES I (1603-1625) wicaštayatapi un qon en icunhan wicašta wašte qa waonspepi kin hecapi kin hena Okodakiciye Wakan kin yuwašakapi. Archbishop Laud Okodakiciye Wakan kin en taku ataya ayucoya econpi kta nina kitan ece, tuka wicašta nina ota iye waštedakapi šni. Dehantu kin en Wocekiye Wowapi Itopa kin he yuštampi qa pamnupi.

Wowapi Wakan kin English iapi kin en teca yuieska kağapi qon he James I wicaštayatapi un kin en icunhan taku iyotan tanka econpi kin hee. Wicašta waonspepi kin heca 47 Hebrew, Greek, Latin, German, qa de itokam English iapi en yuieskapi kin he koya unpi qa wicohan tanka kin de yuštampi. Heconpi kin de omaka 1611 A. D. qon heehan. Dehan he Wowapi Wakan kin iapi obe unma kin etanhan yuieskapi kta wowašake wicakupi kin eya cajeyatapi ece, qa Tipi Wakan hiyaye cin owancaya kinin en unpi kin hee. Wowapi Wakan English iapi en yuieskapi kin de etanhan iye-hantu qonhan Dakota Wowapi Wakan unkitawapi kin kağapi qon hee.

WOIWANGE KIN

1. Edward VI wicaštayatapi un qon icunhan taku tona wašte econpi he. Waniyetu tonakeca hehan ta he.

2. Edward wikiciyucanpi kin taku šica econpi qon hena taku he.

3. Token on England oyate kin Mary, Edward tohe kin icu qonhan iyuškinpi he. Tokeca on Mary te qonhan cantewaštepi he. Tohanyan Queen (Unciyapi) heca he.

4. Elizabeth Queen un qon icunhan Okodakiciye Wakan kin taku ecakicon he. Taku woškiške yuha he.

5. Pope kin Mary token wicotawacin ayuhe he. Elizabeth enta itoheya is token wicotawacin yuha he.

6. Armada wata optaye kin heon woonspe kin detanhan qaiš tuktetanhan kašta token sdonyaye kin ataya oyaka wo.

7. Wowapi Wakan English iapi ohna kağapi kta iyowinwicakiyapi kin he toki-yatanhan unyuhapi he.